

fem, & Michaellem Kopytenski Episcopi Premislensis, & Samborienis, & Gedeonis Balaban. Episcopi Leopoliensis, & Dionysii Zbiruisky Episcopi Chelmenis, ab eis specialiter constitutus, & missus una cum Reverendo in Christo Patre Domino Cyrillo Terleczy Exarcha Episcopo Luceorienfi, & Ostrosiensis ejusdem Nationis altero ex Procuratoribus dictorum Dominorum Prælatorum, & Collega meo ad ineurdam, & suscipiendam unionem Sanctitatis Vestre, & Sanctæ Romanæ Ecclesiæ, atque ad deferendam debitam obedientiam ipsorum omnium, & totius Ecclesiastici eorum status, & ovium eis commissarum, nomine huic Sanctæ Sedi Beati Petri, & Sanctitati Vestre, uti Summo Pastori Universalis Ecclesiæ ad pedes Sanctitatis Vestre positus, ac infra scriptam Sanctæ Orthodoxæ Fidei professionem juxta formam Græcis ad unitatem dictæ S. R. E. redeuntibus præscriptam facturus, & emissurus tam procuratio nomine prædictorum Dominorum Archiepiscopi, & Episcoporum Ruthenorum meorum principalium, quam etiam meo proprio simul cum prædicto Domino Cyrillo Exarcha Episcopo Luceorienfi, & Ostrosiensis Procuratore, & Collega meo polliceor, & promitto, quod ipsi D. Archiepiscopus, & Episcopi illam ratam, & gratam habebunt, ac suscipient, & acceptabunt, & intra tempus competens ratificabunt, & confirmabunt, atque de novo juxta prædictam formam de verbo ad verbum facient, & emittent, & eorum manu subscriptam, & sigillo ob signatam ad Sanctitatem Vestram, & hanc Sanctam Apostolicam Sedem transmittent, prout sequitur. *Omittitur professio Fidei, quia reperitur impressa.*

*Professio fidei alterius Procuratoris scilicet Episcopi Luceorienis.*

§.7. Tum Ruthenica lingua conscripta, & similiter ab ipso subscripta pro eo lecta est a dilecto filio Eustachio Volovitio Canonico Vilnensis Ecclesiæ ejusdem lingue perito. Deinde Cyrillus Episcopus eandem Orthodoxæ Fidei professionem fecit ad eandem prorsus formam, prout Hypetius Episcopus fecerat Ruthenice scriptam, eo quod linguam latinam non calleret. Sed, & latine scriptam, ac ab ipso subscriptam ejus nomine legit dilectus filius Lucas Doctorius Canonicus Luceorienis, hujusmodi sub tenore, videlicet, Sanctissime, ac Beatissime Pater. Ego humilis Cyrillus Terleczy Dei gratia Exarcha Episcopus Luceorienis, & Ostrosiensis in Russia, nationis Russorum, seu Ruthenorum, unus ex Procuratoribus Reverendorum in Christo Patrum Dominorum Prælatorum ejusdem Nationis, videlicet Michaelis Rahosa Archiepiscopi Metropolitanæ Kioviensis, & Halicenis, ac totius Russia, & Gregorii Archiepiscopi denominati electi in Episcopum Polocensem, & Vitebsensem, & Jonæ Hohol electi in Episcopum Pincensem, & Jurovensem, & Michaelis Kopytensky Episcopi Premislensis, & Samborienis, & Gedeonis Balaban. Episcopi Leopoliensis, & Dionysii Zbiruisky Episcopi Chelmenis, ab eis spe-

cialiter constitutus, & missus una cum Reverendo in Christo Patre Domino Hypatio Pociy Protothronio Wlodimirienfi, & Brestensi Episcopo ejusdem Nationis, altero ex Procuratoribus dictorum Dominorum Prælatorum, & Collega meo, ad ineurdam, & suscipiendam unionem Sanctitatis Vestre, & S. R. E. atque ad deferendam debitam obedientiam ipsorum omnium, & totius Ecclesiastici eorum status, & ovium eis commissarum nomine, huic Sanctæ Sedi Beati Petri, & Sanctitati Vestre, uti Summo Pastori Universalis Ecclesiæ ad pedes ejusdem Sanctitatis Vestre positus, ac infra scriptam Sanctæ Orthodoxæ Fidei professionem, juxta formam Græcis ad unitatem dictæ Sanctæ Romanæ Ecclesiæ redeuntibus præscriptam facturus, & emissurus, tam proprio nomine prædictorum Dominorum Archiepiscopi, & Episcoporum Ruthenorum meorum principalium, quam etiam meo proprio simul cum prædicto Domino Hypatio Protothronio Wlodimirienfi, & Brestensi Episcopo Procuratore, & Collega meo polliceor, & promitto, quod ipsi Domini Archiepiscopus, & Episcopi illam ratam, & gratam habebunt, ac suscipient, & acceptabunt, & intra tempus competens ratificabunt, & confirmabunt, atque de novo juxta prædictam formam de verbo ad verbum facient, & emittent, & eorum manu subscriptam, & sigillo ob signatam ad Sanctitatem Vestram, & hanc Sanctam Apostolicam Sedem transmittent, prout sequitur. *Firma fide &c. prout supra, quamvis non sit apposita cum sit impressa.*

*Pœnitentiario Majori committitur absolutio ipsorum a censuris.*

§.8. Quare Nos commisimus, & mandavimus dilecto filio nostro Julio Antonio Presbytero Cardinali Sanctæ Mariæ Tranyberim Sanctæ Severinæ Majori Pœnitentiario nostro, ut eosdem Hypatium, & Cyrillum Episcopos, & Oratores, ac eorum comites, familiares, & domesticos tam Presbyteros, & Clericos, quam etiam laicos, & alias quascumque personas dictæ Nationis Ruthenorum Romæ præsentis a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis, in quas propter præmissa, seu schisma, hæreses, & errores præfatos, quibus forsitan adhæserint, quomodolibet incurrerunt, auctoritate nostra in utroque foro absolvat in forma Ecclesiæ consueta, nec non cum eisdem Episcopis, ac eorum comitibus, familiaribus, & domesticis, & quibusvis aliis personis, Presbyteris, & Clericis super irregularitate per eos præmissorum occasione contracta, quodque clericali characterem, quo antea rite insigniti fuerunt, illiusque privilegiis uti, ac in omnibus etiam Sacris, & Presbyteratus Ordinibus antea rite susceptis etiam in Altaris ministerio ministrare, seu dicto characterem, qui insigniti non sunt, insigniri, & si idonei fuerint, ad omnes etiam Sacros, & Presbyteratus Ordines prædictos promoveri, & quacumque, & qualiacumque Beneficia Ecclesiastica cum cura, & sine cura, etiam si canonicatus, præbendæ, digni-

gnitates, personatus, administrationes, vel officia existant, sive si jam obtineant, sive si eis alias in futurum canonice conferantur, recipere, & obtinere, & quoad vixerint, retinere; nec non cum eisdem Episcopis, seu præfecti fuerint, præesse, & munere consecrationis per eos antea rite suscepto uti, & ad alias similes Cathedrales, vel etiam majores, etiam Metropolitanas Ecclesias transferri, & illis præesse, libere, & licite possint, & valeant dicta auctoritate dispenfet.

*Et ipsis Procuratoribus datur facultas absolvendi ceteros suæ Nationis.*

§.9. Ipsi vero Hypatio, & Cyrillo Episcopis, & Oratoribus facultatem, & potestatem dedimus, cum in Russia fuerint, absolvendi eadem nostra Apostolica auctoritate eodem modo ab excommunicationis, suspensionis, & interdicti, sententiis, censuris, & pœnis Michaellem Archiepiscopum, & ceteros Episcopos prædictos. Ac similiter cum præfatis Archiepiscopo, & Episcopis super hujusmodi irregularitate præmissorum occasione per eos fortasse contracta dispensandi. Ac insuper, ut iidem Archiepiscopus, & Episcopi prædicti sic absoluti, & cum quibus, ut præfatur, fuerit dispensatum, unusquisque in propria Civitate, & Dioecesi, vel in sua jurisdictione omnes, & singulos tam Presbyteros, & Clericos, quam alias quascumque etiam laicas utriusque sexus personas, qui, quæve ad hujusmodi unitatem S. R. E. venerint, vel eam amplexi fuerint, in prædicta forma Ecclesiæ absolvere, nec non cum Presbyteris, & Clericis prædictis super irregularitate per eos, vel eorum aliquem occasione præmissorum quomodolibet contractam quoad Ordinem executionem, quam quorumcumque beneficiorum Ecclesiasticorum retentionem, vel assequutionem dispensare pariformiter eadem nostra auctoritate possint, quemadmodum etiam aliis literis Nostris in forma Brevis latius continetur.

*Admissio Ruthenorum ad petitionem unionem.*

§.10. Ut igitur de Ruthenorum ad Romanam Ecclesiam reditu, & reconciliatione ad posteritatis memoriam certa, & perpetua extet testificatio, hac nostra perpetua constitutione Venerabiles fratres Michaellem Archiepiscopum Metropolitanam, & ceteros Episcopos Ruthenos prædictos, qui decreto consenserunt, & literis ad Nos missis subscripserunt tam præsentem, quam absentes, una cum omni eorum Clero, & populo Nationis Ruthenæ, seu Russia, quæ ad temporale dominium, & ditionem charissimi filii nostri Sigismundi Poloniae, & Sveciæ Regis pertinet, ad laudem, & gloriam Sanctæ, & individuae Trinitatis, Patris, Filii, & Spiritus Sancti, ad incrementum, & exaltationem Fidei Christianæ intra gremium Ecclesiæ Catholice, & unitatem S. R. E., uti membra nostra in Christo recipimus, unimus, adjungimus, anneclimus, & incorporamus, atque ad majorem charitatis nostræ erga ipsos significationem, omnes sacros ritus, & caeremonias, quibus Rutheni Episcopi, & Clerus juxta Sancto-

*Bull. Rom. Tom.V. Par.II.*

rum Patrum Græcorum instituta in Divinis Officiis, & Sacrosanctæ Missæ sacrificio, ceterorumque Sacramentorum administratione, aliisque sacris functionibus utuntur, dummodo veritati, & doctrinæ Fidei Catholice non adferantur, & communionem cum Romana Ecclesia non excludant, eisdem Ruthenis Episcopis, & Clero ex Apostolica benignitate permittimus, concedimus, & indulgemus.

*Claufula derogatoria.*

§.11. Non obstantibus Constitutionibus, & Ordinationibus Apostolicis, ceterisque contrariis quibuscumque.

*Pœnitentiario committitur.*

§.12. Omnes igitur unanimes uno spiritu benedicamus Deum cœli, & Patrem misericordiarum, qui facit mirabilia magna solus a sæculo, qui corda filiorum ad patrem convertit, oves Christi ad ovile reduxit, membra capiti iterum conglutinavit. Benedictus Deus, qui semper cogitat cogitationes pacis, & vult omnes salvos fieri, & ad agnitionem veritatis venire. Benedicti sint fratres nostri Michael Archiepiscopus Metropolitanæ, & Coepiscopi ejus Rutheni, qui aures suas non obturaverunt ad voces Domini, sed illi ad ostium cordis stanti, & pulsanti aperuerunt, per ipsius gratiam, qui dat velle, & perficere pro bona voluntate. Det illis Deus abundantiam cœlestium donorum, & conservet, & corroboret in hoc sancto proposito cum omni Clero, & fidei populo, ut permaneant in charitate, & obedientia S. R. E. Matris suæ, ut agnoscant, & perpetuo consiteantur magnitudinem divinæ misericordiæ erga ipsos, & ambulent in via Domini conservantes unitatem spiritus in vineulo pacis nobiscum, ut filii nostri dilecti, quos singulari nostro cum gaudio suscepimus in Domino. Ita Christus Dominus pro sua immensa clementia Ruthenorum exemplo Græcos omnes ab Orthodoxæ Fidei tramite aberrantes, qui eos in erroribus sequuntur, permoveat, qui Ruthenis ipsis in hac reconciliatione præire debuerant, qui tamdiu duplici gravissimo jugo animæ, & corporis premuntur, quorum calamitatem dies, & noctes lugemus, & ut ipsi sciant unitatem, & pacem, ac erroribus, & tenebris rejectis amplectantur veritatem, & lucem, & revertantur ad Nos, qui intra cor nostrum in visceribus Jesu Christi eos recipere optamus, ut in omnibus glorificetur Deus, & Pater Domini Nostri Jesu Christi, & fiat unum ovile, & unus Pastor. Amen.

*Fides transcriptorum.*

§.13. Volumus autem, ut præsentium literarum transumptis etiam impressis, Notarii publici manu subscriptis, & sigillo personæ in dignitate Ecclesiastica constitutæ ob signatis eadem prorsus fides in judicio, & extra illud ubique locorum habeatur, quæ iidem præsentibus haberentur, si forent exhibitæ, vel ostensæ.

*Claufula.*

§.14. Nulli ergo omnino hominum liceat hanc paginam &c. nostræ receptionis, unionis, adjunctionis, annexionis, incorporationis, permissionis, concessionis, & indulti infringere &c.

*Si quis autem &c.*

1596.  
Dat. die 23.  
Decem. 1595.  
Ann. IV.

Datum Romae apud S. Petrum anno Incarnationis Dominicae 1595. Decimo Kal. Januarii Pontificatus nostri Anno IV.

CXVII.

Approbatio Pontificalis Romani pro coere-  
monii, & ritibus ab Ecclesiae Catholicae  
Episcopis observandis nuper restituti.

CLEMENS PAPA VIII.

Ad perpetuam rei memoriam.

Exordium.

EX quo in Ecclesia Dei multa, tum a Sa-  
cris Conciliis, tum a Romanis Ponti-  
ficibus Praedecessoribus nostris, ad Dei glo-  
riam augendam, & ad Catholicam fidei uni-  
tatem ubique retinendam, pie, ac sapien-  
ter instituta sunt, nihil magis, iisdem Ponti-  
ficibus Praedecessores nostri curandum sibi  
esse statuerunt, quam ut communes eccle-  
siastici muneris rationes ad propriam nor-  
mam servata antiquitatis auctoritate revo-  
carent.

Pius V. Bre-  
viarium, &  
Missale resti-  
tuit.

§. 1. Hac solitudine impulsus fa. re. Pius  
Papa V. Praedecessor noster, formulam  
primum psallendi horas canonicas, &  
celebrandi Missas, varie prius constitutam,  
& a nonnullis Praedecessoribus nostris resti-  
tuit, & instaurari coepit, ad unam pariter  
formam, Romano Breviario, ac Missali  
propterea summo studio, ac diligenter edi-  
to, redigendam curavit.

Alii Pontif.  
Pontificale e-  
diderunt.

§. 2. Atque hoc sane consilio alii Roma-  
ni Pontifices, qui eundem Pium praecesserunt,  
Pontificales etiam coere monias, ac  
ritus, quibus ejusdem Catholicae Ecclesiae  
Praefules in suorum munerum functione ute-  
rentur, certis similiter forma, & modo  
praefinitis, in Romanum Pontificale retu-  
lerunt.

Sed postea  
eius immuta-  
ta forma.

§. 3. Caterum, quia eadem ceremoniarum,  
ac rituum formulae ibi expressae, postea,  
sive diuturnitatis injuria, sive Typo-  
graphorum negligentia, sive alia de causa,  
in ipso Pontificali partim immutatae, partim  
corruptae, veteris instituti, atque au-  
thoritatis gratiam magna ex parte amiserant;  
idcirco necessaria res visa est, ut eadem  
formulae in Sacris Praefulum Ecclesiasticorum  
muneribus servandae, recuperato prioris  
integritatis statu, omnino restituerentur,  
& ab omnibus praescripta firma aliqua  
ratione observarentur.

Clemens ita-  
que emenda-  
ri, emenda-  
tamque edi,  
& divulgari  
jussit.

§. 4. Nos igitur ad summum Apostolatus  
apicem, meritis licet imparibus evecti,  
praedictorum Romanorum Pontificum Prae-  
decessorum nostrorum vestigiis inhaerentes,  
omni cura, & solitudine adnitendum Nobis  
esse duximus, ut errores, qui quidem nec  
pauci, nec leves in idem Pontificale deprava-  
tis passim locis irrepserant, quam accuratissime  
tollerentur. Idem enim Pontifi-  
cale, corrupti, & mendosi voluminis spe-  
ciem ideo praeserebat, ut (multis dictio-  
nibus hinc inde partim in unam contractis,  
partim una in plures distincta, partim iisdem

male, ac perperam collocatis, & trajectis,  
partim denique ipso orationis sensu muta-  
to) dubium esset, quibus tandem officiis,  
vel laudibus iisdem Ecclesiae Praefules divi-  
num numen prosequerentur; praeterquam  
quod in rubricis etiam sparsim turbata ordi-  
nis serie dispositis, tanta erat varietas, &  
obscuritas, ut multis in locis recte ne se ha-  
berent, opinione magis, quam iudicio esset  
statuendum. Hanc ergo ad rem, tam cum  
Ecclesiae cultu, officioque nostro conjun-  
ctam, tamque eorum, qui pro impositi one-  
ris debito, sacris Ecclesiae muneribus vacare  
debent, concordiae, & unitati congruentem,  
examinandam, & absolvendam piis quibusdam,  
atque insignibus viris, diu, multumque in  
Pontificalibus ceremoniis, & ritibus versatis,  
negocium dedimus, dictum Pontificale unde-  
quaque corrigendi, & restituendi, nec non quaecumque  
ad exactam illius editionem spectare viderentur  
perquirendi, & praestandi. Cumque apud  
eos paterna hortatione ad hoc opus matu-  
randum, quotidie fere uteremur, re tota  
tandem ad Nos perlata, & in hanc, quae  
nunc editur, formam redacta, singulari Dei  
benignitate (neque enim aliter accipimus)  
Pontificale Romanum tandem restitutum,  
& absolutum est, atque ita ex omni parte  
dispositum, quod ii etiam, qui negotio,  
ac muneri hujus praesere, confirmarunt,  
ut nihil ab antiquis Pontificalium codicibus,  
qui tum in clarioribus Urbis Ecclesiis, tum  
in nostra Vaticana Bibliotheca, ac denique  
in quibusdam aliis insignibus locis asservantur,  
alienum, aut discrepans irrepserit. Ad  
quam operam in vetustis libris inter se  
conferendis, strenue, ac fideliter navatam,  
id commodi quoque accessit, quod ii, qui  
ea in re industriam collocarunt, ex gravissimis  
scriptoribus eos demum auctores, qui  
omnium probatissimi haberentur, sequuti  
fuerint: quodque ambiguis omnibus, ac  
dubii rebus praetermissis, eas dumtaxat,  
quae essent in veteris Pontificalis summa  
comprehensa, delegerint, iis tamen excep-  
tis, quae ad Romanum Pontificem attine-  
bant, quod nimirum in Coere moniali S. R. E.  
sunt expressae. Ex rubricis vero, multis de-  
tractis, quae exactiore methodo in librum  
coere moniarum Episcoporum sunt relata,  
plerisque etiam, uti necessitatis ratio postu-  
labat, adjectis, & praeterea non paucis  
quibusdam in melius commutatis, clariusque  
expositis, ac denique cantu plano in aptio-  
rem modulationis formam (per multis syl-  
labis, pro temporum natura, ubi ratio eas  
produci, & corrigi postulabat, contra quam  
prius in antiquo Pontificali expressum erat,  
magis apposite extensis, vel contractis) a  
viris ejus rei peritis, ad hoc jussu nostro  
delectis, diligenter redactis, opus jam abso-  
lutum probavimus, & Romae edi, editum-  
que divulgari mandavimus.

Ex modo ob-  
servari praeci-  
pit, alisque  
quemquam  
uti posse pro-  
hibet.

§. 5. Ut autem ipsius operis labor, sinem  
eum ob quem est susceptus, sortiatur, utque  
posthac in omnibus, & singulis Ecclesiis,  
uno eodemque modo coere moniae, & ritus  
Pontificales observentur, Motu proprio, &

ex

1596.

ex certa nostra scientia, ac de Apostolica  
potestatis plenitudine, omnia, & singula  
Pontificalia in hunc usque diem in quibus-  
cumque terrarum orbis partibus impressa,  
& approbata, & quibusvis privilegiis Apo-  
stolicis munita, & decretis, ac clausulis ro-  
borata, per praesentes suppressimus, & abo-  
lemus, eorumque usum in posterum uni-  
versis Ecclesiis, Monasteriis, Conventibus,  
Militiis, Ordinibus, & Locis, atque etiam  
omnibus Patriarchis, Archiepiscopis, Epi-  
scopis, Abbatibus, & aliis Ecclesiarum Prae-  
latis, ceterisque omnibus, & singulis per-  
sonis Ecclesiasticis, saecularibus, & regula-  
ribus utriusque sexus, interdiximus, & pro-  
hibemus, & hoc nostrum Pontificale sic re-  
stitutum, & reformatum in omnibus uni-  
versis terrarum Orbis Ecclesiis, Monasteriis,  
Ordinibus, & locis, etiam exemptis, si-  
quae sunt, recipi, & observari praecipimus.  
§. 6. Statuentes Pontificale praedictum  
nullo unquam tempore, in toto, vel in  
parte mutandum, vel ei aliquid addendum,  
aut omnino detrahendum esse, ac quoscum-  
que, qui Pontificalia munera exercere, vel  
alias, quae in dicto Pontificali continentur,  
facere, aut exequi debent, ad ea peragen-  
da, & praestanda, ex hujus Pontificalis praes-  
cripto, & ratione teneri, neminemque ex  
iis, quibus ea exercendi, & faciendi munus  
impositum est, nisi formulis, quae hoc ip-  
so Pontificali continentur servatis, satisfacere  
posse.

Immutati  
vetat.

Introducent  
demandat.

§. 7. Omnibus igitur, & singulis Pa-  
triarchis, Archiepiscopis, Episcopis, Ab-  
batibus, & ceteris Ecclesiarum Praelatis,  
necnon aliis, quibuscumque personis Eccle-  
siasticis, saecularibus, & regularibus utrius-  
que sexus, ad quas id spectat, praecipimus,  
ac mandamus, ut omnes, quae sic suppressi-  
mus, & abolevimus, ceteris omnibus  
Pontificalibus, hoc nostrum in suis Ecclesiis,  
Monasteriis, Conventibus, Ordinibus, Mi-  
litiis, Dioecesium, & locis praedictis recipiant,  
illoque posthac perpetuo utantur.

Et ubique lo-  
corum recipi  
mandat.

§. 8. Caterum, ut praesentes literae om-  
nibus plenius innotescant, mandamus, il-  
las ad valvas Basilicae Principis Apostolo-  
rum de Urbe, & Cancellariae Apostolicae,  
& in acie Campi Florae publicari, earum-  
que exemplar de more affigi. Volumusque  
praeterea, & motu, atque auctoritate simi-  
libus decernimus, ut qui in Romana Curia  
sunt praesentes, lapsis duobus mensibus, qui  
vero intra montes, octo, & qui ultra ubi-  
que locorum degunt, duodecim integre ex-  
cursis, vel alias ubi venalium hujus Ponti-  
ficalis voluminum, notitiam, & facultatem  
habuerint, sacras ceremonias, & ritus  
in eodem Pontificali praescriptos juxta  
illius modum, & normam, in quibuscum-  
que actibus exercere, & observare te-  
neantur.

Exemplis cre-  
di jubet.

§. 9. Ipsarum autem literarum exempla,  
manu Notarii publici, & sigillo alicujus  
personae in Ecclesiastica dignitate constitu-  
tae, aut illius Curiae obsignata, vel in ipsis  
voluminibus, absque praedicto, vel alio  
quopiam adminiculo, Romae impressa, eam

ubique locorum, & gentium fidem faciant,  
quam praesentes facerent, si essent exhibitae,  
vel ostensa.

Datum Romae apud S. Petrum, sub  
Annulo Piscatoris, die 10. Februarii 1596.  
Pontificatus nostri Anno V.

D. P. An. V.  
10. Februarii.  
1596.

CXVIII.

De executione Concilii Tridentini contra  
Regulares non subditos Episcopis, extra  
claustra notorie delinquentes. Et de poe-  
nis eorum Superiorum, qui illos punire  
negligunt.

De materia autem extra claustra vagantium,  
& Apostatarum, plene vide in Pauli IV.  
Constitut. XXI. quae incipit: Postquam.  
Tom. IV. Par. I. fol. 343.

CLEMENS EPISCOPUS

SERVUS SERVORUM DEI

Ad perpetuam rei memoriam.

SUscipi muneris ratio postulat, ut ea,  
quae in Sacro Tridentino Concilio pro-  
vide constituta sunt, ab iis, ad quos spectat,  
inviolata observari curemus.

Exordium.

§. 1. Maturo sane consilio ipsius Con-  
cilii decreto provisum est, ut quicumque Re-  
gularis non subditus Episcopo, intra clau-  
stra degens extra ea ita notorie deliquerit,  
ut populo scandalo sit, Episcopo instante,  
a suo Superiore intra tempus ab Episcopo  
praefigendum severe puniatur, & Superior  
de punitione Episcopum certiore faciat,  
sin minus, ipse a suo item superiore officio  
privetur, & delinquens ab Episcopo puniri  
possit.

Concil. Trid.  
sess. 25. cap. 4.  
Iussit Regula-  
res extra clau-  
stra notorie  
delinquentes  
certo modo  
puniri.

§. 2. Verum quia experientia comper-  
tum est, interdum in hujusmodi decreti  
executione nimis remisse procedi: cum  
enim Episcopus instat, aliquem regularem,  
eo quo supradictum est modo, delinquen-  
tem a suo Superiore puniri, saepe fit, ut  
Superior regularem delinquentem ad alia  
suorum Ordinum loca, extra Episcopi Dice-  
cesim, ex industria impunitum transmittat,  
atque etiam ipse aliquando ad alias Provin-  
cias se conferat, nec ulterius super delin-  
quentis excessibus inquirat, & de ejus puni-  
tione Episcopum certiore reddat. Unde  
nec regularis delinquens tunc ab Episcopo  
puniri potest, cum extra ipsius Dioecesim  
existat, nec Superior, qui delinquentem  
corrigere negligit, officio privatur.

Sed execu-  
tio dicti Con-  
cilii desinebat  
ex causis hic  
expressis.

§. 3. Nos pro Pastoralis nostrae sollicitudi-  
ne, praefati decreti executioni, quantum  
cum Domino possumus, favere, & praemi-  
ssis malis, ut par est, opportuno aliquo  
remedio occurrere volentes, de Venerabili-  
um fratrum nostrorum Sanctae Romanae  
Ecclesiae Cardinalium praedicti Concilii In-  
terpretum sententia, Motu proprio, & ex  
certa scientia nostris, ac de Apostolica po-  
testatis plenitudine, hac nostra perpetuo va-  
litu-

Hic ergo Pon-  
tifex praescri-  
bit normam,  
qua dicti Con-  
cilii decretum  
exequi debeat

litura Constitutione, omnibus, & singulis  
cujuscumque ordinis, & instituti Regulari-  
um, etiam Mendicantium Superioribus,  
in virtute sanctae obediendae, & sub indi-  
gnationis nostrae, ac privationis dignitatum,  
& officiorum per eos obtentorum, eo ipso  
incurrendis poenis, praecipimus, & manda-  
mus, ut juxta praedictum decretum, quilibet  
ipforum, regularem non subditum Epi-  
scopo, intra claustra degentem, & extra  
ea ita notorie delinquentem, ut populo  
scandalo sit, Episcopo instante, intra tem-  
pus ab Episcopo praefigendum, severe pu-  
niat, ac de punitione Episcopum certiore  
faciat, & alias decretum ipsum, in omni-  
bus, & per omnia exequatur. Ceterum si  
Superior in regularem delinquentem non  
animadverterit, quinimmo si illum impu-  
nitum ad alia suorum Ordinum loca, extra  
Episcopi Diocesim, ut praefertur, transmi-  
serit, volumus, & simili motu, atque au-  
thoritate decernimus, ut Superior instante  
Episcopo, intra terminum ab Episcopo praefi-  
gendum, & sub eisdem indignationis nos-  
trae, ac privationis dignitatum, & officio-  
rum obtentorum, necnon & sub inhabilita-  
tis ad illa, & alia in posterum obtinenda,  
ac ulterius privationis activae, & passivae vo-  
vis, ad quas a nemine praeterquam a Nobis,  
& a Romano Pontifice pro tempore existen-  
te restitui possit, ipso facto similiter incur-  
rendis poenis, ipsum regularem delinquentem  
a loco, ad quem transmissus fuit, revocare,  
& in quo deliquit, constituere, seu sistere te-  
neatur. Quod si hoc etiam facere praeter-  
miserit, per praesentes similiter statuimus,  
ut Ordinarius loci ad quem regularis delin-  
quens transmissus fuerit, super praemissis  
ab ipso Ordinario loci, in quo deliquit, si-  
militer requisitus, vel alias de illius delicto  
informatus, ut praefertur, tamquam Sedis  
Apostolicae delegatus, praedictum Concilii  
decretum omnino exequi, & in regularem  
delinquentem severe animadvertere possit,  
& debeat.

Et ita, & non  
alias iudicari  
posse decernit

Clausulaeque  
contrariis de-  
rogatorias ap-  
ponit.

Formam, &  
effectum pu-  
blicationis ad-  
dit.

§.4. Decernentes sic & non aliter, per  
quoscumque Judices, & Commissarios,  
quavis auctoritate fungentes, etiam eju-  
dem Romanae Ecclesiae Cardinales, & cau-  
saram Palatii Apostolici Auditores, subla-  
ta eis, & eorum cuilibet quavis aliter judi-  
candi, & interpretandi facultate, & aucto-  
ritate, ubique iudicari, & definiti debere:  
irritum quoque, & inane, quicquid secus  
super his a quoquam quavis auctoritate,  
scienter, vel ignoranter contigerit atten-  
tari.

§.5. Non obstantibus quibusvis eorum-  
dem Ordinum, vel Institutorum, etiam  
juramento, confirmatione Apostolica, vel  
quavis firmitate alia roboratis statutis, &  
consuetudinibus, privilegiis quoque, indul-  
tis, & literis Apostolicis in contrarium,  
praemissorum quomodolibet concessis, con-  
firmatis, & approbatis, ceterisque con-  
trariis quibuscumque.

§.6. Ut autem praesentes literae omnibus  
supradictis innotescant, mandamus illas ad  
valvas Ecclesiae Sancti Joannis Lateranensis,

& Basilicae Principis Apostolorum de Urbe,  
ac in acie Campi Florae affigi, & publicari;  
volumusque post quindecim dies, eos qui  
in Urbe sunt, qui vero extra eam, & citra  
montes, intra quatuor, qui demum ultra  
montes erunt, intra octo menses a die pu-  
blicationis hujusmodi computandos, perin-  
de afficere, & arctare, ac si eorum unicui-  
que personaliter intimatae fuissent.

§.7. Ac earumdem praesentium litera-  
rum exemplis, etiam impressis, manu Notarii  
publici subscriptis, & sigillo personae  
in Ecclesiastica dignitate constitutae ob-  
signatis, eandem fidem in iudicio, & extra  
illud haberi, quae ipsis praesentibus habere-  
tur, si forent exhibitae, vel ostensa.

§.8. Nulli ergo omnino hominum li-  
ceat, hanc paginam nostrorum praecipit,  
mandati, voluntatis, decreti &c. infringere,  
vel ei ausu temerario contraire. Si quis  
autem &c.

Datum Romae apud Sanctum Petrum, in  
Anno Incarnationis Dominicae millesimo  
quingentesimo nonagesimo sexto, septi-  
mo Kalendas Martii, Pontificatus nostri  
Anno V.

Fidemque  
transumptis  
dari praecipit.

Sanctio pec-  
nalis.

D. P. Ann. V.  
25. Februarii.  
1596.

Ex Regest. in  
Secr. Breve.

Proceum.

Episcopi Ru-  
theni

CXIX.

Metropolitae Ruthenorum conceditur Fac-  
ultas consecrandi Episcopos sui Ritus  
pro Ecclesiis vacantibus, qui tamen Me-  
tropolitae a Romano Pontifice debeat con-  
firmari.

CLEMENS EPISCOPUS

SERVUS SERVORUM DEI

Ad perpetuam rei memoriam.

Decet Romanum Pontificem, eos qui  
pravis schismatum erroribus relictis,  
ad Sanctae Matris Ecclesiae unitatem redie-  
runt, specialibus favoribus prosequi, ut il-  
li in eisdem Ecclesia fide, & obedientia  
eo constantius perseverent, quo cumula-  
toribus beneficiis se affectos esse perspe-  
xerint.

§.1. Cum itaque Venerabiles Fratres  
Hypatius Protothronius Wlodimiriensis,  
& Brestensis, ac Cyrillus Exarcha Luceo-  
riensis, & Ostroviensis Episcopi Nationis  
Ruthenae, seu Russae suo, & Venerabilium  
fratrum Michaelis Archiepiscopi Metropoli-  
tae Kioviensis, & Haliciensis, ac totius  
Russiae, Gregorii Archiepiscopi nominati  
electi in Archiepiscopum Polocensem, &  
Vitebscensem, Michaelis Episcopi Prami-  
slensis, & Samboriensis, Gedeonis Episcopi  
Leopoliensis, Dionysii Episcopi Chel-  
mensis, & Belsensis, Leontii Episcopi Pin-  
scensis, & Juroviensis postea defuncti, &  
Jonae Archimandrite Kobrinensis Ecclesiae  
Sancti Salvatoris, deinde electi in Episco-  
pum Pinscensem, & Juroviensem loco dicti  
Leontii Episcopi defuncti, nomine, qui an-  
tea cum Romana Ecclesia non communi-  
ca-

Supplicarunt  
recipi in gre-  
mium Eccle-  
siae.

Motus pro-  
prius quo co-  
ceditur

cabant, sed proprii sermonis, & idiomatis  
usu retento Graeco ritu vivebant, ad Nos,  
& ad Sedem Apostolicam nuper accesserint,  
actam privato amborum, quam praedictorum  
Michaelis Archiepiscopi, & aliorum  
Coepiscoporum communi, & procuratorio  
nomine, se, & illos in eisdem Ecclesia  
gremium recipi, & tanquam membra suo  
Capiti uniri supplicaverint, ac omnes suos,  
& ipsorum errores, haereses, & schismata  
dammaverint, & detestati fuerint, Fidei-  
que Orthodoxae professionem juxta formam  
Graecis ab hac Sancta Sede praescriptam in-  
tegre, & ad verbum fecerint, & miserint,  
Nobisque, & Apostolicae Sedi debitam obedi-  
entiam, & subjectionem praestiterint, &  
perpetuo praestare promiserint; Nosque no-  
mine pii patris ipsos, universumque eorum  
Clerum, & populum Ruthenae, seu Russae  
Nationis in eisdem Ecclesiae gremium re-  
ceperimus, & tanquam membra in Christo  
unitati Ecclesiae restituerimus, & incorpo-  
raverimus, ac praeterea ad nostram erga ip-  
sos charitatem magis ostendendam, omnes  
sacros ritus, & caeremonias, quibus idem  
Archiepiscopus, seu Metropolitae, Episco-  
pi, & Clerus praedicti juxta Sanctorum Patrum  
Graecorum instituta in Divinis Offi-  
ciis, & Sacrosancto Missae Sacrificio, &  
Sacramentorum administratione, aliisque  
sacris Functionibus utuntur, dummodo ve-  
ritati, & Fidei Catholicae non adversentur,  
& communionem cum Romana Ecclesia  
non excludant, ex Apostolica benignitate  
eisdem permiserimus, concesserimus, &  
indulserimus, aliaque fecerimus, quae in  
Nostris sub plumbo confectis literis datis  
decimo Kalend. Januarii praesentis anni plu-  
nius continetur.

§.2. Cupientes nunc eosdem ulterio-  
rius gratis prosequi, cum Provincia Russiae,  
seu Ruthenae longo intervallo a Romana Cu-  
ria distet, & propterea Episcopis, qui pro  
tempore eliguntur, valde incommodum fu-  
turum sit, ad Apostolicam Sedem pro sua  
electionis confirmatione accedere, seu  
etiam alios, qui eorum nomine hujusmodi  
confirmationem petant ad eandem Sedem  
transmittere, eorum in hac parte commo-  
dis, & indemnitati, quantum cum Domino  
possumus, consulere volentes; Motu pro-  
prio, & ex certa scientia nostris, & Sedis  
Apostolicae potestatis plenitudine, hac no-  
stra perpetuo valitura Constitutione statu-  
mus, & ordinamus, ut quodcumque post  
hac aliquas ex praedictis eorum Cathedrali-  
bus Ecclesiis, seu Sedibus Episcopalibus  
Wlodimiriensis nimirum, & Brestensis in-  
vicem, Luceoriensis, & Ostroviensis etiam  
invicem, Polocensis, & Vitebscensis etiam  
invicem, Pinscensis, & Juroviensis pariter  
invicem, Pramiensensis, & Samboriensis si-  
militer invicem, Chelmensis, & Belsensis  
etiam invicem, Leopoliensis, & Camene-  
censis etiam invicem perpetuo, vel alias  
unitis, seu annexis, Pastoris solatio destituti,  
aut quovis modo vacare contigerit, is qui  
ad dictas Ecclesias Pastoris solatio destitutas  
seu vacantes juxta morem eorum, seu mo-

dum illis permisso electus, seu nominatus  
fuerit, a praedicto Archiepiscopo Metro-  
polita Kioviensi, ac Haliciensi, nunc & pro  
tempore existenti, auctoritate, & nomine  
Sedis Apostolicae confirmari, vel institui,  
eique munus consecrationis impendi possit,  
& debeat, ac ut sic electus, seu nominatus,  
& confirmatus, vel institutus, ab eodem  
Archiepiscopo Metropolitae, vel de ejus li-  
centia ab alio Catholico Antifite eisdem  
Nationis gratiam, & communionem Sedis  
Apostolicae habente duobus, vel tribus aliis  
Episcopis Catholicis, ac similem commu-  
nionem habentibus, assistentibus, munus  
consecrationis hujusmodi suscipere, idem-  
que Antifites illi dictum munus impendere  
valeat. Super quo ipsi tam in Episcopum  
pro tempore electo, seu nominato, & con-  
firmato, quam Archiepiscopo Metropolitae  
pro tempore existenti plenam, amplam, &  
liberam potestatem, & facultatem per praes-  
entes concedimus, & indulgemus.

§.3. Verum cum Sedes Archiepiscopa-  
les, seu Metropolitanas Ecclesias Kiovien-  
sem, & Haliciensem praedictas similiter in-  
vicem perpetuo, vel alias unitas, five an-  
exas, per obitum, vel alias quovis modo,  
quodcumque tam forsitan in Romana Cu-  
ria, quam extra eam ubilibet Pastoris sola-  
tio destitui, seu vacare contigerit, volumus,  
& pari Motu, atque auctoritate perpetuo  
statuimus, & ordinamus, ut is, qui in Ar-  
chiepiscopum, seu Metropolitanum, juxta  
eorum morem, seu modum illis permisso  
pro tempore similiter electus, seu nomina-  
tus fuerit, electionis, seu nominationis suae  
confirmationem, institutionem, seu provi-  
sionem, necnon & muneris consecrationis  
licentiam a Nobis, & a Romano Pontifice  
pro tempore existente, petere, & obtinere  
omnino teneatur, & debeat.

§.4. Volumusque, & similiter perpetuo  
statuimus, ut literae confirmationis, seu in-  
stitutionis, & provisionis hujusmodi, & li-  
centiae praedictae in eadem Curia per Officia-  
les, ad quos spectat, per viam secretam gra-  
tis expediantur, Decernentes sic, & non  
aliter per quoscumque Judices, & Commis-  
sarios quacumque auctoritate, & dignitate  
fungentes, sublata eis aliter iudicandi, & in-  
terpretandi facultate, & auctoritate judica-  
ri, & definiti debere, irritum quoque, &  
inane si secus super his a quoquam quavis au-  
thoritate scienter, vel ignoranter contigerit  
attentari.

§.5. Non obstantibus quibuscumque Apo-  
stolicis, ac in Universalibus, Provinciali-  
busque, & Synodalibus Conciliis editis ge-  
neralibus, vel specialibus Constitutionibus,  
& ordinationibus Apostolicis, ceterisque  
contrariis quibuscumque.

§.6. Volumus autem, ut praesentium  
exemplis etiam impressis, manu Notarii  
publici subscriptis, & sigillo personae in di-  
gnitate Ecclesiastica constitutae ob-  
signatis, eadem prorsus fides in iudicio, & extra il-  
lud ubique locorum habeatur, quae habe-  
rentur eisdem praesentibus si essent exhibitae,  
vel ostensa. Nulli ergo hominum &c. no-

Facultas Ar-  
chiepiscopo  
Metropolitae  
Kioviensis, &  
Haliciensis, vel  
de ejus licen-  
tia alii Ca-  
tholico Anti-  
fite confirmari  
electos ad  
Ecclesias Ca-  
thedrales, &  
Sedes Episco-  
pales.

Romano Pon-  
tifici reserva-  
tur confirma-  
tio Metro-  
polita.

Confirmatio-  
nis literae per  
viam secretam  
expedienda.

Clausula de-  
rogatoria.

Transumptio-  
rum fides.

strorum Statutorum, Ordinationis, Con-  
cessionis, Indulti, Decreti, & voluntatis  
infringere &c. Si quis &c. incursum.  
Datum Romae apud S. Petrum Anno In-  
carnationis Dominicae 1595. vii. Kal. Mar-  
tii, Pontificatus Nostri Anno Quinto.

**CXX.**  
Episcopis Wlodimiriensibus, & Bresten.  
Rutheni Ritus, conceditur usus Vestium  
sacrarum, quas Saccocium appellant,  
Dalmaticarum, & Tunicarum instar, dum  
Sacrosanctum Missae sacrificium, divi-  
naeque Officia Pontificali more celebrant.

**CLEMENS EPISCOPUS  
SERVUS SERVORUM DEI**

*Ven. Fratri Hysario Protothrono Metropolis  
Kiovien. Episcopo Volodimirien., & Bre-  
sten. nationis Ruthenae, seu Russae salutem,  
& Apostolicam benedictionem.*

**R**omanus Pontifex eos specialibus fa-  
voribus libenter prosequi consuevit,  
quorum merita, & virtutes suis, ac Sedis  
Apost. beneficiis dignas esse animadvertit.

§. 1. Cum igitur Tu, nec non Venerabilis frater Cyrillus Exarcha Metropolis Kiovien. Episcopus Luceorien., & Ostro-  
sien. nationis Ruthenae, seu Russae utriusque  
vestrum, & aliorum Venerabilium Fra-  
trum Michaelis Archiepiscopi Metropolitae  
Kiovien., & Haliceni., ac totius Russiae,  
nec non Gregorii Archiepiscopi nominati,  
electi in Episcopum Polocen., & Vitebscen.  
Michaelis Episcopi Praemislieni., & Sambor-  
ien., Gedeonis Episcopi Leopoliensis., Dio-  
nyssii Episcopi Chelmen., & Belsen., Leontii  
Episcopi Pinscen., & Turovien. postea de-  
functi, & Iona Archimandrita Kobrinen.  
Ecclesiae Sancti Salvatoris, deinde electi in  
Episcopum Pinscen., & Turovien. loco  
dicti Leontii Episcopi defuncti nomine, qui  
omnes antea cum Romana Ecclesia mini-  
me communicabatis, sed proprii sermonis,  
& idiomatis usu retento, Graeco ritu vive-  
batis, ad Nos, & Sedem Apostolicam nu-  
per accesseritis, ac tam privato amborum,  
quam praedictorum Archiepiscopi, sive Me-  
ropolitae, & aliorum Coepiscoporum,  
communi, & procuratorio nomine Vos, &  
illos in Romana Ecclesiae gremium reci-  
pi, ac tanquam membra suo Capiti uniri  
supplicaveritis: Univerfosque vestros, & il-  
lorum errores, haereses, & schismata dam-  
naveritis, & deserti fueritis, fideique Or-  
thodoxae professionem iuxta formam Graecis  
ab hac Sancta Sede praescriptam integre, &  
ad verbum feceritis, & emisericitis, Nobis-  
que, & Apostolicae Sedi debitam obedien-  
tiam, & subjectionem praestiteritis, & per-  
petuo praestare promiseritis: Nosque more  
Pii Patris vos, & ipsos, universumque eo-  
rum Clerum, & Populum Ruthenae, seu  
Russae nationis praedictae in eisdem Ecce-

Ex Regg. in  
Sec. Brev. (a)

Exordium

Que Volodi-  
miriensis, &  
Luceorienis  
Episcopi pro  
unione gesser-  
ant, recen-  
set.

(a) Simile Privilegium hac die, iisdemque expressum  
verbis concessit Clemens Episcopis Luceorienibus, quibus  
factas vestes rubri coloris dono dedit.

siae gremium receperimus, & tanquam  
membra in Christo unitati Ecclesiae resti-  
tuerimus, & incorporaverimus, volentes  
nunc, ut par est, insignem aliquam paternae  
nostrae erga fraternitatem tuam voluntatis  
significationem ob eam rem pie, ac diligen-  
ter pro virili sua parte praestitam exhibere.

§. 2. Motu proprio, & ex certa scientia  
Nostris, eidem fraternitati tuae, ac tuis suc-  
cessoribus Wlodimirien., & Bresten. Epi-  
scopis in unione, & obedientia Sanctae Rom.  
Ecclesiae perseverantibus, ut post hac perpe-  
tuis futuris temporibus, vestibus illis sacris,  
quas Saccos appellatis, Dalmaticarum, &  
Tunicarum instar, quibus Venerabilis frater  
Archiepiscopus, seu Metropolitae ex specia-  
li Indulto uti solet, & quibus eidem Ar-  
chiepiscopo, seu Metropolitae, vel alicui  
Vestrae Nationis Episcopo sine simili Indul-  
to uti non licet, dum sacrosanctum Missae  
sacrificium, vel alia divina Officia Pontifi-  
cali more, Tu, vel ipsi successores tui  
celebrabitis, uti libere, & licite valeatis,  
facultatem, & licentiam Apostolica aucto-  
ritate, tenore praesentium ex specialis dono  
gratiae concedimus, & indulgemus.

§. 3. Ut vero ejus rei aliquod monu-  
mentum extet, & in eadem tua Ecclesia,  
post hac perpetuo conservetur, nos eas ves-  
tes auro, & serico Coerulei coloris inter-  
textas, & eminentibus hinc inde liliis auro  
similiter intorto, seu ricio, ut vocant, or-  
natas, confici iussimus, illasque cum non-  
nullis Altaris ornamentis, nec non cum  
Stola tum minore, tum majore, quas Pe-  
trochilos, & Omophoria appellatis, ac cum  
aliis vestibus inferioribus, quibus pro abis  
utimini, ex serico coerulei coloris confectis,  
floribusque aureis, & argenteis decoratis,  
simili motu, & auctoritate eidem fraterni-  
tati tuae, ac tuis successoribus praefatis, gra-  
tiose donavimus, & elargiti sumus, prout  
denuo auctoritate Apostolica tenore praesentium  
donamus, & elargimur.

§. 4. Decernentes sic, & non aliter per  
quoscumque Judices, & Commissarios qu-  
cumque auctoritate, & dignitate fungentes,  
sublata eis, & eorum cuilibet quavis aliter  
judicandi, & interpretandi facultate, & au-  
thoritate judicari, & definiri debere, irri-  
tum quoque, & inane, si secus super his a  
quoquam quavis auctoritate scienter, vel  
ignoranter contigerit attentari.

§. 5. Non obstantibus quibusvis Consti-  
tutionibus, & Ordinationibus Apostolicis,  
ac in provincialibus, & synodalibus Con-  
ciliis editis generalibus, vel specialibus, ac  
Ecclesiarum Wlodimirien., & Bresten. praefatarum  
Statutis, & consuetudinibus, qua-  
vis etiam Apostolica auctoritate roboratis,  
ceterisque contrariis quibuscumque.

§. 6. Volumus autem, ut praesentium  
exemplis, etiam impressis Notarii publici  
manu subscriptis, & sigillo persona in di-  
gnitate Ecclesiastica constituta obfirmatis,  
eadem profus fides in iudicio, & extra illud  
ubique locorum habeatur, quae haberetur  
eisdem praesentibus, si essent exhibitae, vel  
ostensa.

Quare eidem  
faciendi usum  
concedit.

Ipsae Clemens  
hujusmodi ve-  
stes coerulei  
coloris auro,  
argenteoque  
intertextas ei  
dono dedit.

Clausula

Derogatio  
contrationum

Transumptio  
cum fides.

§. 7. Nulli ergo &c. Si quis autem &c.  
Datum Romae apud S. Petrum Anno  
Incarnationis Dominicae 1596. 4. Kalend.  
Martii Pontificatus nostri Anno Quinto.

**CXXI.**

Moderatio Bullae Sixti V. contra Clericos  
male promotos, & eos promoventes edi-  
tae, cum praeservatione poenarum ibi-  
dem simoniace ordinatis, & ordinanti-  
bus inflictarum.

*Hac Constitutio, quae incipit Sanctum legi-  
sur Tom. V. Part. I. fol. 40.*

**CLEMENS EPISCOPUS  
SERVUS SERVORUM DEI  
Ad perpetuam rei memoriam.**

**R**omanum Pontificem decet, ea quae ob  
justas causas interdum statuta sunt, cum  
ipsa rerum experientia suadet, moderari, &  
immutare, prout in Domino salubriter con-  
spicit expedire.

§. 1. Alias sane emanarunt literae fel. rec.  
Sixti PP. V. praedecessoris nostri, contra  
Clericos male promotos, ac in Episcopos in  
Ordinum collatione peccantes tenoris in-  
frascripti, videlicet: Sixtus Episcopus Servus  
servorum Dei. Ad perpetuam &c. *Sanctum,  
& salutare. Omittitur insertio Bullae, quoniam  
eam habes in loco cit. in rub.*

§. 2. Nos animadvertentes in dictis li-  
teris nihil fere, quo ad ea, quae in ordinum  
collatione servanda sunt, disponi ultra id,  
quod in sacris Canonibus, & in Concilio  
Tridentini Decretis, ac aliorum Romano-  
rum Pontif. praedecessorum nostrorum Con-  
stitutionibus dispositum fuit, sed poenas  
dumtaxat varias, tam saeculares, quam cu-  
jusvis Ordinis, instituiti, & militia regula-  
res male promotos constituiti, absolutio-  
nemque, & dispensationem Sedis Apostoli-  
cae reservari, & alias sicut in praefatis literis  
continetur. Considerantesque, tam pro-  
moventes, quam eos, qui ad dictos Ordines  
promoventur, saepe censuris, & poenis hu-  
jusmodi, ob illarum multiplicacionem in  
eorum perniciem animarum, variis modis  
illaqueari, nonnullos ex Praelatis, & Epi-  
scopis in conferendis hujusmodi ordinibus  
nimis scrupulose procedere, multosque me-  
tu poenarum, & censurarum praefatarum,  
ab Ordinum collatione profus deterreri,  
adeo ut Clericorum, & Sacerdotum nume-  
rus propterea aliquibus in locis valde im-  
minutus sit, omnium in praemissis securitati,  
ac animarum saluti, paterna charitate pro-  
spicere volentes, Motu proprio, & ex cer-  
ta scientia nostris, ac de Apostolica pote-  
tatis plenitudine, hac nostra perpetuo vali-  
tura Constitutione, supradictas literas ad  
terminos sacrorum Canonum, ac Constitu-  
tionis rec. mem. Pii Papae II. etiam praedec-  
cessoris nostri, quae incipit: *Cum ex sacro-  
rum Ordinum, Tom. III. Par. III. fol. 109.* sub  
dat. videlicet 15. Kal. Dec. Anno Incarna-  
tionis Dominicae 1461. Pontif. sui An. IV.,  
cujus tenorem praesentibus pro expresso ha-  
beri volumus, & ad dispositionem Decre-

Exordium

Sixti V. bulla  
est hic citata.

Moderatio  
d. Constitu-  
tionis Sixti V.  
ejusque redu-  
ctio ad termi-  
nos sacrorum  
Canonum, &  
Bullae Pii II.,  
& Conc. Tri-  
dent.

torum sacri Trid. Concilii restringimus, &  
reducimus, nec non censuras, & poenas in  
eisdem Sixti literis contra quoscumque, pre-  
terquam contra simoniace ordinantes, & or-  
dinatos, inflictas, quas volumus in suo ro-  
bore permanere (aliis omnibus poenis a sa-  
cris Canonibus, & Conciliis contra praedictos  
omnes similiter inflictis salvis, & firmis re-  
manentibus) moderamur, & abolemus.

§. 3. Decernentes sic, & non aliter per  
quoscumque Judices, & Commissarios qua-  
vis auctoritate fungentes, etiam ejusdem  
Romanae Curiae Cardinales, & causarum Pa-  
latii Apostolici Auditores, sublata eis, &  
eorum cuilibet, quavis aliter judicandi, &  
interpretandi facultate, & auctoritate, ubique  
judicari, & definiri debere: irritum quoque  
& inane, quicquid secus super his a quoquam  
quavis auctoritate, scienter, vel ignoranter  
contigerit attentari.

§. 4. Non obstantibus praemissis, ac qui-  
busvis aliis Constitutionibus, & Ordinationi-  
bus Apostolicis, ceterisque contrariis quib-  
uscumque. Ut autem praesentes nostrae  
omnibus supradictis innotescant, dilecto fi-  
lio nostro in Alma Urbe in spiritualibus Vi-  
cario injungimus, nec non Venerabilibus  
Fratribus Patriarchis, Archiepiscopis, Epi-  
scopis, & quibusvis aliis Ecclesiarum Prae-  
latis, & locorum Ordinariis, seu eorum Vi-  
cariis in spiritualibus generalibus, praecipimus,  
& mandamus, quatenus statim ac  
praesentes nostras literas, seu earum exem-  
pla authentica, etiam impressa receperint,  
illas, seu illa in Urbe, & in suis quibusque Pro-  
vinciis, Civitatibus, & Dioecibus, & locis  
solemniter publicent, & publicari faciant.

§. 5. Volumus autem &c. Nulli ergo &c.  
Datum Romae apud S. Petrum, Anno  
Incarnationis Dominicae 1596. pridie Kal.  
Martii Pontificatus Nostri Anno quinto.

**CXXII.**

Facultas Philippo Regi Catholico Militiae  
de Montefia perpetuo Administratori,  
ut in controversiis inter Militiam praedi-  
ctam, & locorum Ordinarios, & alias  
Ecclesiasticas personas ortis, pro Con-  
cordia, & amabili compositione se-  
interponere valeat.

*Charissimo in Christo filio nostro Philippo  
Hispaniarum Regi Catholico.*

**CLEMENS PAPA VIII.**

*Charissime in Christo fili noster salutem,  
& Apostolicam benedictionem.*

§. 1. **C**ontroversiis, & litibus olim  
in Romana Curia, & extra  
eam coram diversis Judicibus Ordinariis, &  
Delegatis inter Archiepiscopos Toletan., &  
Hispalen., ac Episcopos Corduben., Con-  
chen., Caurien., Abulen., Pacen., Gadi-  
cen., & Oxomen., eorumque Capitula, &  
nonnullos alios Ecclesiarum Praelatos, &  
personas Ecclesiasticas Regnorum Hispa-  
niae, ac Priores, Milites, & alios fratres  
Militiae Sancti Jacobi de Spatha sub Regula  
Sancti Augustini, eorumque Conventus su-  
per Jure decimandi, seu praestatione, & fo-

Clausula sub-  
lata

Clausula de-  
rogatoria

Fides exem-  
plorum, &  
Sanctio poe-  
nalis.  
Dat. P. An. V.  
28. Februarii.

Ex Regg. in  
Sec. Brev.

Facultatem,  
de qua in Ru-  
brica, Carolo  
V. concessit  
Clemens  
Papa VII. pro  
Militia S. Ja-  
cobi de Spata.

Paulus III. iudicibus quominus in huiusmodi causis se ingereret, prohibuit.

Et lites cum quibusdamque Episcopis, & personis Ecclesiasticis Regnorum Hispanie pendentes tali iudicio comprehendi declaravit.

lutione quarundam Decimarum, tam novalium, quam pecorum, & armentorum, rebusque aliis in actis causarum huiusmodi latius deductis, & illorum occasione pendentes, aliis item, ut formidabatur, orturis, ut illa omnes amabili Concordia terminarentur, fel. rec. Clemens Papa VII. hortatu clar. mem. Caroli V. Romanorum Imperatoris Hispaniarum Regis, & dictae Militiae perpetui Administratoris per Sedem Apostolicam deputati genitoris tui per suas literas in forma Brevis confectas eidem Carolo Imperatori Regi, & Administratori facultatem, & auctoritatem tribuit componendi, & concordandi lites, differentias, & controversias huiusmodi, seque inter partes praedictas interponendi.

§. 2. Idipsumque postea pia me. Paulus Papa III. per alias suas similes literas illi commisit causas universas, & singulas praedictas ubicumque, & quomodocumque pendentes in eodem statu, quo pendebant, ad suum beneplacitum, facta iudicibus, & Collitigantibus huiusmodi legitima intimatione, suspendendo, & ne durante huiusmodi beneplacito suo, in causis praedictis quicquam innovaretur inhibendo, decernens partes ipsas ad observandum quidquid per illum concordatum, aut amabiliter compositum foret, omnino teneri, ac irritum, & inane, quidquid secus super his a quoquam quavis auctoritate scienter, vel ignoranter contingeret attentari.

§. 3. Et subsequenter ad tollendum dubium, an sub illis verbis generalibus, & alios praefatos. & personas Ecclesiasticas, ceteri Archiepiscopi, & Episcopi Regnorum praedictorum comprehendebantur, ipse Paulus praedecessor per alias suas literas causas praedictas non solum inter Toletan., & Hispalen. Archiepiscopos, ac Corduben., Conchen., Cauren., Abulen., Pacen., Gadicen., & Oxomen. Episcopos, illorumque Capitula huiusmodi in dictis literis, ut praefertur specialiter nominatos, sed etiam Granaten., Compostellan., & Valentin. Archiepiscopos, nec non Pacen., Burgen., Carthaginen., Giennen., Malacitan., Civitaten. Salamantin., Zamoren., Seguntin., Legionen., Segobien., Albarazin., Calaguritan., & Pampilonen. Episcopos, eorumque Capitula, & quascumque alias personas Ecclesiasticas in dictis Regnis consistentes, ac ipsos Priores, Praeceptores, Milites, & Fratres, eorumque Conventus, tam super Decimis, & aliis rebus praedictis in ipsis literis expressis, quam etiam super Jurisdictione, nec non Jurepatronatus, seu praesentandi personas idoneas dictae Militiae ad Vicarias, Praeceptorias, & alia Beneficia Ecclesiastica ejusdem Militiae, illaque administrandi, regendi, gubernandi, & visitandi, tam in dicta Curia, quam extra eam coram quibuscumque iudicibus ordinariis, & Delegatis, etiam causarum Palatii Apostolici Auditoribus, ac S. R. E. Cardinalibus in quavis instantia quomodolibet pendentes dicto suo beneplacito durante suspendi, easque eidem Carolo Imperatori per eum componendas,

& concordandas, ita quod in illis in omnibus, & per omnia juxta tenorem primodictarum suarum literarum, procedere libere, & licite valerent, perinde ac si in ipsis literis singuli Archiepiscopi, Episcopi, Capitula, & aliae personae praedictae specialiter nominatae fuissent, de novo concessit, & commisit.

§. 4. Sed ipso Carolo Imperatore, ac Rege his vix coeptis, aut imperfectis relictis, de medio sublato, cum per similes memoratae Pium Papam IV. praedecessorem nostrum accepto, quod Priores, Milites, Fratres, & Clerici dictae Militiae juxta privilegia eis a diversis Romanis Pontificibus praedecessoribus suis concessa, nec non ipsius Militiae consuetudines, usus, & stabilimenta ab immemorabili tempore ab eis observata, integras Decimas tam personales, & mixtas, quam etiam praediales intra terminos d. Militiae, extra vero personales, & mixtas, nec non praediales Novalium praedictorum suorum, propriis manibus, vel sumptibus cultorum, exigere, & habere potuissent, & eatenus exegissent in quibuscumque, & quorumcumque Praelatorum Provincia, Diocesis, seu Districtibus, ubi eosdem Milites, & fratres etiam laicos habitare, vel domicilia habere, aut praedictos fructus ex quibus eisdem solvere tenentur acquirere, colligere, nutrire, depasci, levare, & percipere contingeret, ipse Pius praedecessor animadvertens conducibile fore, ut hoc quoque negotium universum via compositionis, & concordiae huiusmodi terminaretur, & propterea volens non solum praedictas, sed etiam majores, quae inter supra dictos ortae, & suscitatae fuerant, & denuo nasci, oriri, & suscitari poterant, lites, quaestiones, & differentias amputari, interim vero partes ipsas in possessionibus in quibus erant, manuteneri, & defendi, nihilque innovari debere, motu proprio, ceteraque scientia, & deliberatione sua, omnes, & quascumque lites, quaestiones, & differentias tam motas, quam, quae moveri poterunt in futurum, ad se advocavit, & illarum decisionem, & terminationem suspendit, & Tibi per te componendas, & concordandas, ita quod in illis juxta praedictarum Pauli praedecessoris literarum continentiam, & tenorem, ac illa Tibi directae, & praesentatae fuissent, in omnibus, & per omnia ad suum, & Sedis Apostolicae beneplacitum agere, & procedere libere, & licite valeres, commisit, & remisit, plenamque, & liberam licentiam, & auctoritatem tibi concessit, prout in suis in eadem forma Brevis confectis, ac singulis aliis aliorum praedecessorum praedictorum literis plenius continetur.

§. 5. Demum a se. re. Gregorio XIII. etiam praedecessore nostro accepto, praedicto negotio a Te suscepto, ita effectum esse, ut inter multos praedictorum pax, & tranquillitas diligentia, & industria tua fuerit sequuta: Cumque etiam similes, & aliae diversae lites, & quaestiones inter eosdem, ac alios Archiepiscopos, & Episcopos, eorumque Capitula, nec non Praelatos, & personas Ec-

Pius IV. eandem facultatem concessit Philippo II. Regi.

Gregor. XIV. eandem facultatem illi concessit pro Militiis de Calatrava, & de Alcantara.

Clemens concessit pro Militia de Montesia.

Ecclesiasticas tam saeculares, quam Regulares ex vna, & dilectos filios Magistros, Priores, Praeceptores, Milites, & alios fratres Militiarum de Calatrava, & Alcantara Cistercien. Ordinis, eorumque Conventus partibus ex altera super solutione Decimarum tam Novalium, quam pecorum, & armentorum, nec non Jurepatronatus, administratione, ceterisque Juribus, & Jurisdictionibus supra dictis, rebusque aliis in actis causae, & causarum huiusmodi latius deductis, & illarum occasione, tam in dicta Curia, quam extra eam motae jam essent, & in futurum oriri formidarentur: idem Gregorius praedecessor cupiens eas quoque lites, quaestiones, & differentias eadem opera, & industria tua componi, atque concordari, earum status, & merita, ac iudicium, & Collitigantium nomina, & cognomina, ceteraque de necessitate exprimenda, pro plene, & sufficienter expressis habens, omnes, & quascumque lites, causas, quaestiones, & differentias tam motas, quam quae moveri poterunt in futurum inter dictas posteriores partes, ad se advocavit, & illas, earumque decisionem, & terminationem ad suum, & dictae Sedis beneplacitum, ita tamen, quod interim partes ipsae in possessione, in qua existunt, manuteneri, & defendi deberent, nihilque innovari posse, factaque iudicibus, & Collitigantibus huiusmodi legitima intimatione, suspendit, easque universas, & singulas tibi per te concordandas, & componendas, ita quod suo, & Sedis huiusmodi beneplacito durante, tu in illis pro huiusmodi concordia, & amabili compositione te interponere, agere, & procedere libere, & licite valeres, commisit, & remisit, ac plenam, & liberam licentiam, facultatem, & auctoritatem concessit, decernens partes ipsas ad observandum ea omnia, quae in praemissis per Te concordata, amabiliter composita, & terminata fuerint, omnino teneri, & ad id efficaciter obligatos fore, nec ab illis ullo unquam tempore resiliere posse, nec non irritum, & inane decernens, quidquid secus super his a quoquam quavis auctoritate scienter, vel ignoranter contingerit attentari: Non obstantibus omnibus, quae in singulis literis praedictis concessum est non obitare, ceterisque contrariis quibuscumque.

§. 6. Nos autem cupientes alias omnes similes lites motas, & movendas inter quoscumque praedictos, & alios Archiepiscopos, & Episcopos, eorumque Capitula, & Ecclesiarum Praelatos, & personas Ecclesiasticas Regni Valentiae, & aliorum Regnorum Hispaniarum, & Dominiorum, ac Priores, Milites, & alios fratres Militiae Beatae Mariae de Montesia, & Sancti Georgii Ordinis Cistercien. in Regno Valentiae instituta, quae Militiae de Calatrava filialis existit, illiusque privilegiis gaudet, eorumque Conventus super similibus controversiis, & rebus aliis in actis causarum huiusmodi latius deductis, & deducendis, & illorum occasione pendentes, & quae in futurum oriri formidantur, cupientes eadem tua opera, qui ejus-

dem Militiae de Montesia eadem Apostolica auctoritate perpetuus Administrator existis, componi, atque concordari earumque status, & merita, ac iudicium, & Collitigantium nomina, & cognomina, ceteraque de necessitate exprimenda, pro plene, & sufficienter expressis habentes, omnes, & quascumque lites, causas, & quaestiones, & differentias tam motas, quam quae moveri poterunt in futurum inter dictas posteriores partes, ad Nos advocantes, & illas, earumque decisionem, & terminationem ad nostrum, & Sedis Apostolicae beneplacitum, ita tamen, quod interim partes ipsae in possessione, in qua existunt, similiter manuteneri, & defendi debeant, nihilque innovari possit, factaque iudicibus, & Collitigantibus huiusmodi legitima intimatione, suspendimus, easque universas, & singulas tibi per Te concordandas, & componendas, ita quod Nostro, & Sedis huiusmodi beneplacito durante, Tu in illis pro huiusmodi concordia, & amabili compositione te interponere, agere, & procedere libere, & licite valeas committimus, ac plenam, & liberam licentiam, facultatem, & auctoritatem concedimus, decernentes partes ipsas ad observandum ea omnia, quae in praemissis per Majestatem tuam, concordata, amabiliter composita, & terminata fuerint, omnino teneri, & ad id efficaciter obligatos fore, nec ab illis ullo unquam tempore resiliere posse, nec non irritum, & inane, quidquid secus super his a quoquam quavis auctoritate scienter, vel ignoranter contingerit attentari. Non obstantibus, quae in singulis literis praedictis concessum est non obitare, ceterisque contrariis quibuscumque.  
Datum Romae apud S. Petrum sub Anulo Piscatoris die 20. Martii 1596. Pontificatus Nostri Anno Quinto.

Dat. die 20. Martii 1596. Ann. V.

CXXIII.

Erectio Parochialis Ecclesiae Sancti Nicolai Oppidi de Alicante in Collegiatam, cum suppressione alterius Parochialis, & illius unione Mensae Capitulari ejusdem Collegatae S. Nicolai.

Ex Regest. in Canc. Apost.

CLEMENS EPISCOPUS SERVUS SERVORUM DEI

Venerabili Fratri Episcopo Oriolen. salutem, & Apostolicam Benedictionem.

Sacri Apostolatus ministerio meritis licet imparibus divina dispositione &c. expedire.

Procurium.

§. 1. Exhibita siquidem Nobis nuper pro parte dilectorum filiorum Praefecti Justitiae, & Juratorum, ac Sindici Oppidi Civitatis nuncupati de Alicante Oriolen. Diocesis petitio continebat, quod cum dictum Oppidum mille, & ducentis Familiis plus, minusve ultra eas, quae extra illius muros in Suburbis, & seu Villis adiacentibus degunt, refertum, & tam ex ipsius Populi multitudine, ac frequentia, quod alias valde insignis, & in eo nulla Collegiata Ecclesia existat, sed duae Parochiales Ecclesiae, una

Oppidi de Alicante, & Ecclesiarum Sancti Nicolai, & S. Mariae qualitas.